



UNIBERTSITATE INKLUSIBOARI BURUZKO I. KARTEL LEHIAKETA 2015

UPV/EHUko Ezgaitasunak dituzten Pertsonentzako Zerbitzuak lehiaketa bat antolatu du unibertsitate inklusiboaren adierazgarri izango den kartela aukeratzeko, oinarri hauekin:

Gaia

XXI. mendeko unibertsitate inklusiboa eta desgaitasunak eta, oro har, hezkuntza premia bereziak dituzten ikasleen beharrei erantzuteko praktika egokiak.

Parte har dezake

1. UPV/EHUren titulu ofizial batean (lizentziatura, gradua, masterra edo doktorego programa) edo graduondoko berezko titulu batean matrikulatuta dagoen edozein ikaslek.
2. Lan bakar bat aurkeztuko du ikasle bakoitzak.

Lanen ezaugarriak

3. Kolorea eta teknika: libreak.
4. Obraren tamaina: 50 x 70 cm, bertikalean.
5. Lanak originalak eta argitaragabeak izango dira, eta nahitaezko osagarri izango dituzte:
 - a. lehiaketaren gaiarekin zerikusia duen testu bat (euskaraz eta gaztelaniaz)
 - b. UPV/EHUren logoa eta Ezgaitasunak dituzten Pertsonentzako Zerbitzuaren izena, kontuan izanik erakunde irudiaren eskuliburuko arautegia:
<http://www.ehu.eus/eu/web/gizartea/erakunde-irudiaren-eskuliburua>

Lanen aurkezpena

1. Obra inprimatua entregatuko da, CD bat erantsita, jpg formatuan, 72 ppp-ko bereizmenarekin, web gunean jartzeko. Kartelaren inprimatzeko diseinuak 300 ppp-ko bereizmena izan beharko du.
2. Lanak lehiaketaren lemapean aurkeztuko dira, sinadurarik gabe. Gutun itxian eta lema berarekin, egilearen identifikazio datuak sartuko dira: izen-deiturak, NAN, helbide elektronikoa eta telefono zenbakia.



3. Aurkezpen epea 2015eko urriaren 30ean amaituko da.
4. Obrak Ezgaitasunak dituzten Pertsonentzako Zerbitzuaren bulego batean entregatuko dira.
 - Arabako Campusa: Arabako Campuseko Errektoreordetza, Izarduy komandantea, 2 01006 Gasteiz.
 - Gipuzkoako Campusa: Ignacio M^a Barriola zentroa (ikasgelategia)-Elhuyar plaza, 1 20018 Donostia.
 - Bizkaiko Campusa: Apia bidea (Gizarte eta Komunikazio Zientzien Fakultatearen behealdea), Sarriena auzoa, z/g 48940 Leioa.
5. Informazio telefonoa eta e-maila: 943 01 5183 / discap@ehu.eus

Sariak

6. Hiru sari emango dira:
 - 1. saria: 1.000€
 - 2. saria: 400€
 - 3. saria: 200 €
7. Saria jabegabe utzi ahal izango da, kartelek gutxieneko kalitate teknikorik ez badute.
8. Kartel irabazlea UPV/EHUren jabetza bihurtuko da, eta egileak haren ustiapen eskubideak lagako ditu, erreprodukzio, banaketa eta komunikazio publikoen modalitateetan, UPV/EHU izanik horren onuradun bakarra.
9. Saririk jaso ez duten lanak erretiratu ahal izango dira, 2015eko abenduaren 4tik 2016ko martxoaren 4ra (09:00-13:00). Epe hori igarota, erretiratu ez diren lanak UPV/EHUren esku geldituko dira, eta honek nahieran erabiliko ditu. UPV/EHUK ez du inolako erantzukizunik izango lanek izan ditzaketen kalteetan, haien garraioak, manipulazioak, erakusketak, biltegiratzeak edo antzekoek eraginda direnean.
10. Kartel irabazlearen inprimaketak tonalitate aldaketaren bat behar badu, emaitza hobetze aldera, edo akats ortografikoak zuzendu behar badira, epaimahaiak aldaketa horiek agindu ahal izango ditu, egilearekin harremanetan jarri ondoren.

Epaimahaia

11. Epaimahaiak 4 kide izango ditu: Arte Ederren Fakultateko eta Ikus-entzunezko Komunikazioa eta Publizitatea saileko irakasle bana, Ezgaitasunak dituzten Pertsonentzako Zerbitzuak izendatuak, UPV/EHUKo Ikasleen arloko zuzendaria, eta Ezgaitasunak dituzten Pertsonentzako



Zerbitzuaren ordezkari bat.

12. Epaimahaiak hautatutako kartelak jendaurrean erakutsiko dira, zehazteke dagoen leku batean eta UPV/EHUren web orrian. Hautatutako kartelen artetik, saridunak aukeratuko dira. 2015eko azaroaren 20an jakinaraziko da erabakia. Sariak 2015eko abenduaren 3an banatuko dira, aurretik iragarriko den ekitaldi batean.
13. Aurkeztutako lanek kontuan hartuko dituzte irudi bankuetatik hartutako argazki, irudi edo baliabide grafikoak erabiltzeko behar diren eskubideak, irudiak egilearenak ez direnean. UPV/EHUK ez du inolako erantzukizunik izango lanen edukiek hirugarrenei dagokienez eragin ditzaketen erreklamazioetan.
14. Epaimahaiak, hautapen prozesuaren edozein unetan, atzera bota ahal izango du lan bat, baldin:
 - Zalantzak badaude haren egiletzaz.
 - Pertsonen duintasunaren aurkakoa baldin bada.
 - Beste obra baten plagiotzat har badaiteke, edo plagioa ez izanik beste lan baten imitazioa denean, edota beste obra batzuetan inspiratzen denean. Hala, epaimahaiak, horren berri izatean, lanari originaltasun merituak falta zaizkiola erabaki ahal izango du.
 - Atzera botatzea bozketa hasi ondoren gertatzen bada, aurrera jarraituko du bozketak hautatutako gainerako karteekin.
15. Epaimahaiaren erabakia apelaezina izango da. Hala eta guztiz ere, epaimahaiak erabakia berraztertu eta bertan behera utzi ahal izango du, aurreko paragrafoan aurreikusitako egoeraren bat sortzen denean.
16. Lehiaketan parte hartzeak berekin dakar onartzea bai oinarriak bai antolatzaileen eta epaimahaiaren erabakiak, eta uko egitea oinarrien eta erabakien aurkako errekursoei.
17. Antolakuntzak oinarri hauek aldatu ahal izango ditu, beharrezkoa izanez gero.